

ՈՐՈՇՈՒՄ ԹԻՎ 20-112

**ԿԱԼԻՖՈՐՆԻԱ ՆԱՀԱՆԳԻ ԳԼԵՆԴԵԼ ՔԱՂԱՔԻ ՔԱՂԱՔԱՅԻՆ ԽՈՐՀՐԴԻ
ՈՐՈՇՈՒՄԸ՝ ՎԱՎԵՐԱՑՆԵԼՈՒ ԳԼԵՆԴԵԼ ՔԱՂԱՔԻ ԱՐՏԱԿԱՐԳ
ԻՐԱՎԻՃԱԿՆԵՐԻ ԼԻԱԶՈՐՈՒԹՅԱՆ ՆԵՐՔՈ ՀՐԱՊԱՐԱԿՎԱԾ ՈՐՈՇՈՒՄԸ՝
ԽՆՁՈՒՅՔԻ ՍՐԱՀՆԵՐԻ ՎԵՐԱԲԵՐՅԱԼ՝ ԿԱՊՎԱԾ COVID- 19-Ի ՀԵՏ; ԵՎ ԱՅԼ
ՀԱՐԱԿԻՑ ԵՎ ՕՐԻՆԱԿԱՆ ՆՊԱՏԱԿՆԵՐՈՎ**

Հաշվի առնելով, որ միջազգային, ազգային, նահանգային և տեղական առողջապահական և կառավարական մարմիններն արձագանքում են շնչառական հիվանդության բռնկման հետևանքներին, որն առաջացել է Կորոնավիրուս 2019 (COVID-19)՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով, և վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել թեթև հիվանդությունից մինչև ծանր հիվանդություն և մահ; և

Հաշվի առնելով, որ 2020 թ. մարտի 4-ին Կալիֆոռնիա նահանգի նահանգապետը հայտարարեց արտակարգ դրություն՝ լրացուցիչ ռեսուրսները մատչելի դարձնելու, նահանգային բազմաթիվ գործակալություններում և գերատեսչություններում արդեն իսկ սկսված արտակարգ իրավիճակի գործողությունները պաշտոնական դարձնելու և նահանգում COVID-19-ի ավելի լայն տարածմանը նախապատրաստվելուն օգնելու նպատակով; և

Հաշվի առնելով, որ 2020թ. մարտի 4-ին Լոս Անջելեսի վարչաշրջանի վերակացուների խորհուրդը և Հանրային առողջության վարչությունը հայտարարեցին տեղական և հանրային առողջության արտակարգ իրավիճակ՝ ի պատասխան երկրում կորոնավիրուսի տարածման աճին; և

Հաշվի առնելով, որ 2020 թ. մարտի 13-ին Ամերիկայի Միացյալ Նահանգների նախագահը հայտարարեց ազգային արտակարգ իրավիճակ և հայտարարեց, որ դաշնային կառավարությունը մատչելի կդարձնի արտակարգ իրավիճակների ֆինանսավորումը, որպեսզի աջակցի նահանգային և տեղական իշխանություններին՝ կանխելու COVID-19- ի տարածումը և անդրադառնալու դրա հետևանքներին; և

Հաշվի առնելով, որ 2020 թ.-ի մարտի 16-ին, Գլենդելի Քաղաքային խորհուրդը, Գլենդելի քաղաքային օրենսգրքի 2.84-րդ գլխի համաձայն, հայտարարեց տեղական արտակարգ դրության առկայության մասին և ընդունեց թիվ 20-29 Որոշումը՝ Վարչաշրջանի «Տանն ավելի անվտանգ է» հրամանի համաձայն, որով փակվեցին ռեստորաններում ճաշելու բոլոր ծառայությունները;

Հաշվի առնելով, որ ռեստորանների, բարերի, գիշերային ակումբների և այլնի վերաբերյալ Գլենդելի թիվ 20-29 Որոշման գործողության ժամկետը սպառվեց 2020 թ.

մայիսի 15-ին, և նշված բիզնեսները և գործունեությունները շարունակվեցին կարգավորվել Վարչաշրջանի «Տանն ավելի անվտանգ է» հրամանով:

Հաշվի առնելով, որ 2020 թ. մայիսի 26-ին կամ մոտ այդ օրերին «Տանն ավելի անվտանգ է» հրամանը վերանայվեց՝ թույլ տալով ռեստորանների մասնակի վերաբացումը՝ ներսում ճաշելու ծառայությունների և մանրածախ խանութների համար ներսում գնումներ կատարելու համար՝ պայմանով, որ դրանք բավարարեն վարչաշրջանի որոշ արարողակարգեր:

Հաշվի առնելով, որ 2020 թվականի մայիսի 29-ին, Լոս Անջելեսի վարչաշրջանի «Տանն ավելի անվտանգ է» հրամանին համապատասխան, Գլենդեյլի թիվ 20-29 Որոշումը մասամբ չեղյալ հայտարարվեց, և ռեստորանները կարող են ներսում ճաշելու ծառայություններ մատուցել՝ պայմանով, որ բավարարեն վարչաշրջանի որոշ արարողակարգեր, սակայն խնջույքի սրահներում մեծ հավաքույթներ չեն կարող տեղի ունենալ:

Հաշվի առնելով, որ 2020 թվականի հուլիսի 1-ին Կալիֆոռնիայի նահանգապետ Գեվին Նյուսոմը կարգադրեց երկրորդ անգամ փակել ռեստորանները և փակ տարածքում գործող բիզնեսները՝ ավելի քան 19 վարչաշրջաններում՝ այդ թվում Լոս Անջելեսի վարչաշրջանում, որտեղ վերջին ժամանակներս նկատվել էին կորոնավիրուսով վարակման դեպքերի աճ, և Լոս Անջելեսի վարչաշրջանի առողջապահության նախարարը կարգադրեց նույնը:

Հաշվի առնելով, որ կա վիրուսի՝ համայնքային տարածման դեպքերի էական և աճող քանակի մեծ հավանականություն, երբ այն անհատները, ովքեր կրում են COVID-19 առաջացնող վիրուսը, սակայն չունեն որևէ ախտանշան կամ ունեն միայն մեղմ ախտանշաններ, և այսպիսով տեղյակ չեն, որ վիրուսակիր են և այն փոխանցում են ուրիշներին, և այս պատճառներից ելնելով՝ Լոս Անջելեսի վարչաշրջանի առողջապահության գործակալը շարունակում է արգելել վարչաշրջանում սոցիալական հավաքույթները:

Հաշվի առնելով, որ Գլենդեյլի քաղաքապետարանը քայլեր է ձեռնարկում տեղական տնտեսությանն ուղղակի օժանդակություն առաջարկելու համար՝ ի պատասխան COVID-19-ի ներկայացրած տնտեսական ազդեցությունների, և դիտարկում է այն ուղիները, որոնց միջոցով Քաղաքապետարանը կարող է աջակցել տեղական բիզնեսներին, ներառյալ՝ բացօթյա «Ալ ֆրեսկո ճաշելու» առաջարկությունը խնջույքի սրահներում:

Հաշվի առնելով, որ հանրային առողջապահության հրամանները խոչընդոտել են որոշակի տնտեսական գործունեություններ, ներառյալ՝ քաղաքում խնջույքների սրահների աշխատանքը:

Հաշվի առնելով, որ, եթե բոլոր առողջապահական կարգադրությունների և արձանագրությունների համաձայն՝ խնջույքի սրահները ժամանակավորապես ռեստորանային կարգավիճակի վերափոխելու հնարավորություն ստանան, ապա դա թույլ կտա ժամանակավոր օգտագործել չգործող խնջույքների սրահները՝ ռեստորանային

գործունեության համար; և

Հաշվի առնելով, որ Գլենդելի քաղաքային օրենսգրքի 2.84-րդ գլխով տրված լիազորության համաձայն՝ Արտակարգ իրավիճակների ծառայության տնօրենը տեղական բիզնեսներին աջակցելու համար հրապարակեց արտակարգ իրավիճակի հրաման;

ԳԼԵՆԴԵԼԻ ՔԱՂԱՔԱՅԻՆ ԽՈՐՀՐԴԻ ԿՈՂՄԻՑ ՈՐՈՇՎՈՒՄ Է, որ

ԲԱԺԻՆ 1. Թիվ 11 արտակարգ իրավիճակների հանրային հրամանը սույնով վավերացվում և գործում է մինչև 2020 թվականի դեկտեմբերի 31-ը:

A. Այն խնջույքի սրահները, ինչպես սահմանված է Գլենդելի քաղաքային օրենսգրքի 30.70.308 կետով, որոնք փոփոխում են իրենց բիզնեսի գործառնությունները՝ ի պատասխան COVID-19-ի, և պահանջում են ժամանակավոր զբաղեցման վկայականի թույլտվություն՝ որպես ռեստորան գործելու համար անհրաժեշտ գործողությունների նպատակով փոփոխությունները կատարելու համար, ազատվում են ժամանակավոր օգտագործման համար թույլտվության վճարներից՝ ըստ զբաղեցման թույլտվության ժամանակավոր վկայականի:

• **Զբաղեցման թույլտվության ժամանակավոր վկայական.**

անհրաժեշտ է խնջույքի սրահի՝ ռեստորանային օգտագործման նպատակով գործառնությունների ժամանակավորապես փոխելու դիմումների համար: Նվազագույն վճարը \$166 է՝ մեկ ժամվա համար: Սովորաբար գանձվում է 3.5 ժամվա համար: Վճարից ազատվում են այն խնջույքի սրահները, որոնք դիմում են ազատման համար՝ COVID-19-ի պատճառով տուժելու հետևանքով:

- Թույլտվության ժամկետն ուժի մեջ է մինչև 2020 թվականի դեկտեմբերի 30-ը:

Սույն Հրամանը չպետք է մեկնաբանվի այնպիսի եղանակով, որը թույլ կտա որևէ բիզնեսի կամ անհատի օգտագործել խնջույքի սրահը կամ ռեստորանն այնպիսի եղանակով, որը խախտում է Կալիֆոռնիա նահանգի, Լոս Անջելեսի վարչաշրջանի հանրային առողջության գործակալի և Գլենդել քաղաքի որևէ առողջապահական հրաման կամ արձանագրություն, ներառյալ, սակայն չսահմանափակվելով՝ հավաքույթների, ներսում ճաշելու, սոցիալական հեռավորության և դիմակների համար:


ԲԱԺԻՆ 2. Եթե սույն հանրային հրամանի կամ դրա կիրառման որևէ դրույթ անվավեր է ճանաչվում համապատասխան իրավասության դատարանի կողմից, ապա այդ անվավերությունը չպետք է ազդի հրամանների կամ սույն որոշման այլ դրույթների, բաժինների կամ դիմումների վրա, որոնք կարող են ուժի մեջ մտնել առանց անվավեր դրույթի կամ դիմումի, և այդ նպատակով՝ յուրաքանչյուր արտահայտություն, բաժին, կախյալություն կամ բառ հայտարարվում է բաժանելի:


ԲԱԺԻՆ 3. Վերոնշյալ հանրային հրամանների ցանկացած խախտման դեպքում կարելի է դիմել քաղաքային դատախազի գրասենյակ՝ հետաքննության համար՝ Գլենդելի Քաղաքային օրենսգրքի 1.20 գլխով սահմանված կարգով, որը նախատեսում է տուգանքներ՝ ոչ ավել, քան \$1,000-ի չափով, կամ ազատազրկում՝ ոչ ավել, քան վեց ամիս ժամանակով: Յուրաքանչյուր իրավապահ աշխատակից պետք է օգտագործի իր հայեցողությունը՝ այս հրամանի կիրառման շրջանակներում խախտումների համար, և մշտապես մտապահի հրամանի նպատակը: Խախտումները կարող են իրավական լուծում ստանալ նաև Գլենդելի քաղաքային օրենսգրքի 1.24-րդ գլխի դրույթներով, որոնք նախատեսում են տուգանքներ՝ այնտեղ ամրագրված այլ իրավապահական մեխանիզմների հետ մեկտեղ՝ առաջին դատակոչի համար՝ \$400 տուգանք, երկրորդ դատակոչի համար՝ \$1,000 և երրորդի համար՝ \$2,000:

ԲԱԺԻՆ 4. Սույն որոշումը և համապատասխան կարգադրությունները չեն փոխարինում Լոս Անջելեսի վարչաշրջանի կամ Կալիֆոռնիայի նահանգի կողմից սահմանված ավելի խիստ սահմանափակումներին:

Ընդունվել է Գլենդելի քաղաքային խորհրդի կողմից 2020 թվականի հուլիսի 21-ին:

Վրեժ Աղաջանյան
/Քաղաքապետ/



Mayor


ATTEST:

City Clerk

ԿԱԼԻՖՈՐՆԻԱՅԻ ՆԱՀԱՆԳ
ԼՈՍ ԱՆՋԵԼԵՍԻ ՎԱՐՉԱՇՐՋԱՆ
ԳԼԵՆԴԵԼ ՔԱՂԱՔ

Ես՝ Արամ Աճեմյանս՝ որպես Գլենդելի քաղաքային խորհրդի քարտուղար, սույնով հաստատում եմ, որ վերը նշված թիվ 20-112 Որոշումն ընդունվել է Կալիֆորնիա նահանգի Գլենդել քաղաքի քաղաքային խորհրդի կողմից կանոնավոր ժողովի նիստում, որը տեղի է ունեցել 2020 թվականի հուլիսի 21-ին, և որ նույն որոշումն ընդունվեց հետևյալ քվեարկության արդյունքներով.

Կողմ՝ **Բրոթման, Դիվյան, Քասախյան, Նաջարյան, Աղաջանյան**
Դեմ՝ Չկա
Բացակա՝ Չկա
Ձեռնպահ՝ Չկա


City Clerk

APPROVED AS TO FORM

CITY ATTORNEY
DATE 7/21/2020